

Sarajevo, 05.06.2023. godine

ZA:

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**N/r. Predsjedavajućeg Skupštine Kantona Sarajevo**

U skladu sa članom 106. i 213. Poslovnika o Skupštine Kantona Sarajevo, dostavljam:

### **ZASTUPNIČKA INICIJATIVA**

Prema Ministarstvu za rad, socijalnu politiku, raseljena lica i izbjeglice Kantona Sarajevo:

**Za kreiranje personalizovanog modela kućne njege po mjeri korisnika/ca u Kantonu Sarajevo.**

### **OBRAZLOŽENJE:**

Prema dostupnim istraživanjima, u posljednjih dvadeset godina zabilježen je značajan porast starih osoba kojima je potrebna zdravstvena i socijalna pomoć. Prije dvadeset godina, u zemljama Evropske unije, procenat starih osoba kojima je potrebna pomoć iznosio je 25,9%, a omjer radno sposobnog stanovništva u odnosu na starije osobe od 65 godina iznosio je 4:1. Do januara 2020. godine, udio starih osoba kojima je potrebna pomoć povećao se na 34%, što znači da se odnos radno sposobnog stanovništva u odnosu na osobe starije od 64 godine smanjio na 3:1. Procjenjuje se da će u evropskim zemljama procenat starijeg stanovništva do januara 2050. godine dostići čak 56,7%, čime se omjer između radno sposobnog stanovništva u odnosu na starije osobe smanjuje na 2:1. Na bazi navedenih pokazatelja, ključno je posebnu pažnju posvetiti upravo modelima kućne njege na području Kantona Sarajevo, a zatim i primjerima dobre prakse i na području cijele Federacije BiH.

U većini evropskih zemalja kućna njega je intersektorsko područje regulirano zdravstvenim i socijalnim politikama. U Bosni i Hercegovini zadržana je tradicionalna podjela prema kojoj se zdravstvene usluge u kući pružaju u okviru sistema zdravstvene zaštite, dok se socijalne usluge kućne njege i pomoći pružaju u okviru sistema socijalne zaštite.

Postojeća zakonska rješenja koja reguliraju pružanje usluga kućne njege i pomoći nisu dovoljno jasna, što je dovelo do toga da se ova usluga gotovo i ne koristi. Dostupna istraživanja koja su provedena u datoj oblasti, pokazala su da se usluga kućne njege i pomoći gotovo i ne provodi u većini kantona i opština u Federaciji Bosne i Hercegovine.

**U skladu sa navedenim data inicijativa uključuje:**

- Da se unutar resornog ministarstva uraditi analiza stanja usluga kućne njege na području Kantona Sarajevo;
- Da se kreira model pružanja usluga kućne njege na području Kantona Sarajevo u skladu sa postojećom zakonskom regulativom a koji će imati za cilj poboljšanje stanja u predmetnoj oblasti.
- Dati model treba da uključuje izradu socijalnih planova, jačanje koordinacije socijalnih usluga u oblasti kućne njege i pomoći, uspostavljanje jasnih kriterija za dodjelu grantova za ove usluge, unapređenje sistema pružanja informacija o uslugama kućne njege i pomoći, podsticanje korištenja EU fondova u oblasti IT inovacija i asistivnih tehnologija.

Molim Vas da odgovor na inicijativu dostavite i u elektronskoj formi na službeni mail [jelena.pekic@skupština.ks.gov.ba](mailto:jelena.pekic@skupština.ks.gov.ba)

S poštovanjem,

  
*Zastupnica u Skupštini Kantona Sarajevo*